

CANTIDAD DI CAS A PERDE DAK AYERA

27 Caso di destruccion a ser registra

ORANJESTAD(AAN)—
Ayer tardi poco pasa di
4 or e Ola Tropical di
cual DIARIO a publica
na varios ocasion durante
fin di siman pasa, a pasa
ariba Aruba.

E ola tropical a move
den direccion di Aruba
rapidamente y ayera tardi
por a experencia cabez di
esaki. For di pariba por a
mira un area di algo ma-
nera huma, pero esaki ta-
bata nada otro cu awa-
cero y biento hopi pisa.

E ola tropical ta pasan-
do exactamente ariba
Aruba y lo sigui trece ho-
pi nubia y awacero cu
mal tempo. Pa awe mes-
ter tene cuenta cu esaki y
tambe mester tene cuenta
cu durante yobida por tin
biento hopi fuerte.

For di 5 pasa di cuatro
ayera tardi e casonan di
destruccion a cuminsa
manifesta su mes ya cu
e Ola Tropical y no hoos
ni warwaru, manera e co-
mentaronan tabata bisa,
a ranca mata, antenne,
dak di cas completo, bay
cune.

Den un di e casonan, na
Tanki Leendert un machi
mester a ser hiba hospital
door di e susto cu el a ha-
ya ora cu su dak di cas a
desaparece.

Na Savaneta por poco
un jovencito di mas o me-
nos 6 aña a bira victima
tambe di e ola tropical.
El a mira e nubia binien-
do for di pariba y a ranca
careda yega su cas net na
ora.

Un otro jovencito di 6
aña na Noord, segun a ser
comunica na DIARIO,
tambe a pasa den un sus-

to. Segun e informacion,
e jovencito aki tambe a
sali na careda y yegando
su cas, e biento a topa cu-
ne, di manera cu el a ke-
da cologa na porta di cas
y wanta te ora cu e peli-
ger a pasa.

Na Playa a ser registra
dos caso di daño causa
pa e ola tropical y na San
Nicolas un total di 13 ca-
so, y den otro distrito-
nan un total di 12 caso a
kexa registra tambe.

Dak di cas completo a
ser ranca na Savaneta 103
manera por mira ariba e
foto ariba pagina 1 di e
edicion aki y ariba pagina
16.

Den Daliaststraat na San
Nicolas, cas 4, tambe e
ola tropical a ranca parti
di e dak tira un distancia
mas leeuw mientras cu
otro parti a keda ta zwaai
den biento ariba e dak di
cas di dos piso.

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION



DiARIO

DI ARUBA

Bo Matutino
Netamente Arubiano

DIALUNA 8 JULI 1985 AÑA 4, No. 1363

Na Palisia weg un casita
conoci como bouwkeet
tambe a perde dak, Na
Lloyd G. Smith Boule-
vard 46 un mata a ser
tumba, Na Shaba un an-
tenne e ser destrui, na
Sero Grandiweg 17 tam-
be dak di cas a ser destrui
mescos na Sero Compa
1 B y Hooiberg 28, Na
concordiaweg 4, na
Diamantbergweg 65, na
Sabana Basora pariba di
veld di Universal tambe
dak di cas a somenta.

Otro lugarnan entre

otro cu a sufrí daño ta-
bata na Tromp Cement
Production y na Natin-
al Car Rental na Tanki
Leendert.

Tabata tin un caso tam-
be di un joven cu tabata
den problema ariba lama
cu un sunfish na momen-
to di e Ola Tropical pero
asistencia di polis a ser
duna na ora y tambe De
Palm Tours te cu e ulti-
monan aki a yude sali di
lama.


E daño causa ayera pa
e ola tropical lo por mon-

ta te na mei millon florin
mas o menos y ainda lo
tabata tin casonan cu no
a ser registra, esta cu po-
lis no a ser poni na altura
di nan.

Personal di Elmar tam-
be tabata tin mannan yen
ayera tardi cu reparacion
di dañonan causa no sola-
mente na edificionan pe-
ro tambe ariba caya unda
dak a cay ariba waya di
coriente.

E antenne di e emisora
di Caruso Booi tambe lo

Sign 14



E foto aki ta saca di ariba
locual a resta di e cas na
Savaneta. Por ripara cla-
ramente con e dak com-
pleto a ser ranca, y esaki a
ser tira pabao di cas door
di forza di e biento ayera
tardi. Ariba pagina 16 por
mira con e dak a keda.

CANTIDAD DI CAS

Cont. di pag. 1

a dobla den dos y ta net awor cu e propietario ta den exterior tambe.

Polis tabata tin man yen tambe ayera tardi, especialmente Centrale post cu for di warda di polis mester a coordina tur asistencia cu mester a wordo duna.

Instancianan cu sigur lo

ser involvi den e casonan aki lo ta FCCA y Cuido Social y por a nota na varios lugar ayera unda diputado Grace Bareño a acudi pa pone su mes na altura di e dañonan cu a ser causa.

Pa awe ainda mester tene cuenta cu lo por tin mal tempo na Aruba y si bini yobida fuerte esaki lo por ta combina cu biento fuerte.

Na Curacao tambe tabata tin awacero pisa segun DIARIO tin entendi mientras cu Bonaire a pasa den mal tempo tambe cu hopi awacero strena y lamper.

Tambe DIARIO a tende cu na St. Maarten lo tabata tin un teremoto pero esaki no a keda confirma pa redaccion ayera, mientras cu Trinidad & Tobago tambe a sufri dañonan causa pa e ola tropical cu a pasa ariba nan tambe.